



Broj: 01-50-1-15-53/09
Sarajevo, 14. maja 2009. godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine BiH održao je, 13. maja 2009. godine, svoju 53. sjednicu. Obavještavamo vas o razmatranju materijala koji su u nadležnosti i Doma naroda. Razmatrani su materijali kako slijedi:

1. Prijedlog zakona o akcizama BiH (drugo čitanje);
2. Prijedlog zakona o okviru devizne politike u BiH (prvo čitanje);
3. Izvještaj o provođenju zakona u nadležnosti Centralne izborne komisije BiH;
4. Izvještaj o zaštiti ličnih podataka u BiH i o radu Agencije za zaštitu ličnih podataka u BiH;
5. Izvještaj o radu Pravobranilaštva BiH za period od 1.1.2008. do 31.12.2008.;
6. Prijedlog mjera iz nadležnosti Vijeća ministara BiH za ublažavanje uticaja globalne ekonomske krize na privredu Bosne i Hercegovine;
7. Strategija prevencije i borbe protiv nasilja u porodici u BiH za period od 2009. do 2011. godine;
8. Izvještaj komisije Kolegija o nastojanju za postizanje saglasnosti o Prijedlogu revidirane strategije Bosne i Hercegovine za provođenje Aneksa VII. Dejtonskog mirovnog sporazuma;
9. Informacija o radu Tužilaštva BiH za 2008. godinu;
10. Izvještaj Zajedničke komisije oba doma o nastojanju za postizanje sporazuma o identičnom tekstu Zakona o agenciji za pružanje usluga u zračnoj plovidbi;
11. Davanje saglasnosti za ratifikaciju:
 - a) Sporazuma između Vijeća ministara BiH i Vijeća ministara Republike Albanije o readmisiji lica koja ilegalno borave,
 - b) Prvog amandman na Kreditni sporazum, potpisan 25. jula 2005. između, Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – Finansiranje sistema vodosnabdijevanja u općini Olovo,
 - c) Protokola između Ministarstva sigurnosti BiH i Ministarstva unutrašnjih poslova i javne uprave Crne Gore o provođenju zajedničkih patrola uz zajedničku državnu granicu.

Ad. 1.

Predstavnički dom usvojio je zaključak da se do naredne sjednice Doma odgodi izjašnjavanje o Prijedlogu zakona o akcizama BiH u drugom čitanju, kako bi se pribavilo mišljenje Upravnog odbora Uprave za indirektno oporezivanje o amandmanima na Prijedlog zakona podnesenim u plenarnoj fazi.

Ad. 2.

Prijedlog zakona o okviru devizne politike u BiH nije dobio entitetsku većinu, a nakon usaglašavanja u Kolegiju kao komisiji, "protiv" Prijedloga zakona glasalo je više od dvije trećine poslanika iz entiteta. Prema tome, Prijedlog ovog zakona nije usvojen u prvom čitanju.

Ad. 3.

Predstavnički dom usvojio je Izvještaj o provođenju zakona u nadležnosti Centralne izborne komisije BiH, uz sljedeće zaključke:

1. Predstavnički dom Parlamentarne skupštine BiH prihvata Preporuke navedene u Izvještaju o provođenju zakona u nadležnosti Centralne izborne komisije BiH.
2. Zadužuje se Vijeće ministara BiH da analizira Preporuke, te da u roku od 90 dana preduzme potrebne aktivnosti iz svoje nadležnosti.
3. Zadužuju se Centralna izborna komisija BiH i Vijeće ministara BiH da Predstavničkom domu Parlamentarne skupštine BiH, u roku 120 dana, od dostave informaciju o realizaciji Preporuka.

Ad. 4. i 5.

Predstavnički dom usvojio je:

- Izvještaj o zaštiti ličnih podataka u BiH i o radu Agencije za zaštitu ličnih podataka u BiH i
- Izvještaj o radu Pravobranilaštva BiH za period od 1.1.2008. do 31.12.2008.

Ad. 6.

Predstavnički dom zaključio je da se materijal pod nazivom „Prijedlog mjera iz nadležnosti Vijeća ministara BiH za ublažavanje uticaja globalne ekonomske krize na privredu Bosne i Hercegovine“ vrati Vijeću ministara BiH, uz konstataciju da je promašena tema u odnosu na ono što je traženo od Vijeća ministara BiH i u odnosu na zaključke usvojene na 39. sjednici Doma, te da se zatraži dostavljanje adekvatnog materijala.

Ad. 7.

Dom je usvojio Strategiju prevencije i borbe protiv nasilja u porodici u BiH za period od 2009. do 2011. godine, uz zaključak predložen u Mišljenju nadležne komisije – kojim se **obavezuje Vijeće ministara BiH da najmanje jednom godišnje podnosi Parlamentarnoj skupštini BiH izvještaj o provođenju Strategije.**

Ad. 8.

Usvojena je Revidirana strategija Bosne i Hercegovine za provođenje Aneksa VII. Dejtonskog mirovnog sporazuma, uz zaključak usaglašen na Zajedničkoj komisiji za ljudska prava, prava djeteta, imigraciju, izbjeglice, azil i etiku, koji glasi:

„Ministarstvo za ljudska prava i izbjeglice BiH sačinit će Akcioni plan za period od 2009. do 2014. godine za pristup pravima iz Aneksa VII. Dejtonskog mirovnog sporazuma, uključujući i prava koja se odnose na izbor prebivališta, naknadu za imovinu koja se ne može vratiti i ostala prava“.

Ad. 9.

Rasprava o Informaciji o radu Tužilaštva BiH za 2008. godinu odgođena je za narednu sjednicu zbog nemogućnosti predstavnika Tužilaštva BiH da prisustvuje sjednici.

Ad. 10.

Usvojen je Izvještaj Zajedničke komisije oba doma o nastojanju za postizanje sporazuma o identičnom tekstu Zakona o agenciji za pružanje usluga u zračnoj plovidbi.

Ad.11.

Predstavnički dom dao je saglasnost za ratifikaciju:

- a) Sporazuma između Vijeća ministara BiH i Vijeća ministara Republike Albanije o readmisiji lica koja ilegalno borave,
- b) Prvog amandmana na Kreditni sporazum, potpisan 25. jula 2005., između Bosne i Hercegovine, koju zastupa Ministarstvo finansija i trezora BiH, i Kraljevine Španije, koju zastupa Ured kreditnog instituta – Finansiranje sistema vodosnabdijevanja u općini Olovo,
- c) Protokola između Ministarstva sigurnosti BiH i Ministarstva unutrašnjih poslova i javne uprave Crne Gore o provođenju zajedničkih patrola uz zajedničku državnu granicu.

S poštovanjem,

PREDSJEDAVAJUĆI
PREDSTAVNIČKOG DOMA
Beriz Belkić